

欽定剿平三省邪匪方略

欽定剿平三省邪匪方畧續編卷二十六

甲子年

四月初四日 壬戌 額勒登保奏言竊

臣

行抵西安

將鍋帳駄驃馬匹趕緊配給帶領官兵三百餘

名於十四日起程由大峪入山取道孝義鎮安

洵陽向興安進發詢知山內久無三五爲羣之

匪途次接准德楞泰賽沖阿等來信邊界殘匪

經官兵連次痛剿之後向南逃逸已近川界該

處地勢險仄多兵不能施展是以派令王英帶

兵勇五百名作爲追兵牽綴賊勢另派吳廷剛

閻俊烈桂涵帶兵勇三千名由卡寨繞上界嶺

截剿臣於二十三日行抵興安查該匪現竄之

青草坪兩扇門等處已入川界德楞泰賽沖阿

楊遇春馬瑜等督同鎮將帶領兵勇七八千名

分投而進自必窮其所向迅卽掃除臣卽亟亟

前往相距五六百里一尋難以趕及且賊匪折
竄無定現據安寧縣知縣黃靖圖稟報拏獲賊
探徐紹榮訊悉賊營中聞知臣帶兵南來令其

前來探聽虛實並探江岸情形仍圖北竄等供
此時江岸雖有楊芳王兆夢達自祥等各帶兵
丁一二千名分段防堵但綿亘千里恐其未能
兼顧臣若向邊界進發必須將王兆夢所帶固

原陝安兵一千名帶往則江岸兵力益形單薄
再三籌畫一面差探德楞泰等剿辦情形一面
將江防妥爲料理俟一二日內得有殘匪確切
趨向再行前往似於刻下機宜有裨設該匪有
北折之信卽督率王兆夢楊芳等帶兵取道磧
坪漳河坪一帶向南迎頭截剿期與德楞泰等
收兩面夾擊之效奏入

上命軍機大臣傳諭額勒登保曰賊匪狡猾異常折
竄無定刻下雖向南竄難保其不乘間北折復思
偷渡過江此時陝境防堵最關緊要況賊匪前於
抗拒官兵時膽敢聲言活拿帶兵提督此次據奏
拿獲賊探徐紹榮訊據供稱賊中聞知額勒登保
到陝商令前來探聽情形可見官兵虛實該匪等
皆能探知消息額勒登保若卽行進發勢不能不

將王兆夢所帶防兵酌撤千餘名帶往則江岸兵力益單設被賊匪知覺必又思乘虛竄陝殊有關係額勒登保此時自應在彼暫駐緊顧北面如德楞泰等剿辦得手能於一二仗內殲盡餘匪額勒登保得有佳音即可毋庸前往或不能卽時辦竣賊匪深竄川境必須額勒登保前往督剿亦當持以慎重將王兆夢所領官兵一併帶往以期痛加

摘翦不可稍有輕率彼時北岸江面一帶仍須妥
爲布置飭令鎮將等嚴行防範本日據方雜伺奏
該省西安同州鄜州三屬麥苗間被蟲傷興安漢
中府屬被旱較重恐無業小民流而爲匪或致被
賊勾結額勒登保亦當留心體訪勿使稍有失所
致滋事端

同日方維甸奏言陝界零匪經德楞泰楊遇春

於平利興隆坡一帶痛加殲洗該匪折向化龍
山老林深匿現在官兵分數路進剿據獲賊供
稱該匪欲出鴉河支河窺伺紫陽江岸總兵楊
芳現同達自祥加意巡防臣復嚴飭地方官提

船防守認真盤詰以杜窺伺茲復據安康縣知

縣黃靖圖稟報盤獲賊探徐紹榮一名訊係賊

首劉姓派出探聽官兵信息已批令興安府覆

訊具報日內額勒登保行抵平利自可與德楞
泰等會同剿辦至棲西黑河一帶匪徒除節次
搜獲外茲復據漢中協副將唐文淑稟報外委
馬騰雲緝獲賊匪一名把總馬良寧等獲賊匪一
名又沔縣營兵張文貴拏獲匪犯一名又委員
毛鳳衢拏獲賊匪一名又畧陽縣知縣劉大祺
拏獲匪犯六名均已分別提審訊明辦理現在

臬司朱勲秋審辦竣已飭令馳赴棧西一帶督率查拏至漢南地方零匪現據同知嚴如煜都

司張俊稟報外委周士鈞等拏獲賊目二名又

署鎮坪巡檢候補縣丞吳崇執盤獲賊探二名

業已就近解至楊遇春軍營訊明辦理奏入報

聞

初七日

乙丑

德楞泰賽沖阿奏言

臣

等前因夥匪

被剿由金盆凹遁入高石塘曹家溝經三路兵
勇合力併剿復竄於化龍老山之油榨坪三岔

溪恃險抗拒臣德楞泰知會賽沖阿楊遇春等

各帶乾糧不攜鍋帳入山由土地埢青龍寨太
平寨三路分投兜剿逐日擊卡進逼十七日我
兵均距賊巢二三十里不等中隔深溝一道正
在設法進攻詎該逆見我兵分路進逼是夜卽

由老林竄向千澗坪

臣

等於五更時分投並進

乃該逆先於杉樹門總匯路口堆積木石據險

設伏當飭令將弁兵勇仰攻搶撲數次均被滾

木搖石下壓共傷數十名勢難競上遂於對面

山上各用礮位轟擊立斃賊匪數名賊衆站立

不住始退入老林藏匿乘夜走正陽河板棚子

向界嶺而逃我兵緊跟至兩扇門山下追及賊

尾斬殺賊匪十餘名。賊衆遁進老林，又擒獲帶傷賊匪四名。查明均係老賊，當卽正法隨飛行知會豐紳採明迎剿。該逆被兵追急，日夜奔逃，又由青草坪走兩扇門竄至渣渡河，總未敢出。箐林二十二日接准豐紳來信，探知賊匪逼近川界，豐紳在南溪一帶扼截，西面空出南路誘令竄入川境，以便夾擊。頃又探報該逆東走打

鼓坪又遁入望觀臺老林該處在川陝界嶺之

中延長數百里高峻七八十里數年來不但官

兵從未經行卽往來各逆亦從未屯踞其中路

徑極爲仄小馬不能行徒步亦爲艱險該處北

通支河金雞河中走丁家坪東焦河西出高馬

皇後河臣等現令副將閻俊烈吳廷剛桂潤叅

將羅思舉祝廷標遊擊李國棟都司高星文千

總胡超等均各步行帶領兵勇三千五百名裹
帶乾糧由大小梁小漆扒紅岩寨後河驪尾跟

追令總兵劉瑞等帶領兵勇一千餘名由板棚

子馳赴界嶺過棧令總兵田朝貴參將李應元

遊擊馬成林都司龍必達守備張之仁等由平

溪河羊肝河橫山子黃墩自東抄進臣 賽沖阿

楊遇春督同總兵喜明等取道三餘寨洞灣自

西北兜剿

臣

德楞泰馬瑜直趨支河金雞河自

北向南前進該逆一經逼出毋論竄往何處均

可就近截剿現在雖據安康等處拏獲探信賊

匪打聽江岸信息但連朝大兩江水漸淺卽淺

灘亦難躡渡該匪萬難飛越

臣

又飛飭總兵楊

芳達自祥等加意防範以期有備無虞至各處

搜捕零匪據總兵汪啟東報外委劉天喜在南

江陳家峽拏獲零匪一名守備杜天忠在通江
大溪河搜獲一名外委王大俸在南江界上麥
子坪搜獲二名均解送南鄭縣審訊又據四川
臬司劉清副將羅聲臯稟報都司趙琴在大竹
縣箐林溝內搜出零匪二名千總陳安邦在銀
鑛山等處搜獲二名再臣德楞泰前奏千總陳
安邦軍功減青雲王良等帶領鄉勇在川北通

江之雲霧山搜出嘯聚零匪逼至草廟子山梁
該逆無路奔逃僞總兵樊國受等二十二名各
棄械跪投乞命當卽飭令解赴綏定府交臬司
劉清審訊詳報茲據劉清等錄供稟請覈辦前
來臣查樊國受等二十二犯供詞雖稱均係先
後被各號據去年分遠近不一其中皆係賊目
矛手因被兵逼至絕地無路可逃方行乞命實

與詣營投首者有間似宜區別辦理擬請

旨將樊國受等二十二名免其一死一槩發往伊犁

給厄魯特兵丁爲奴以示懲儆至前此賊匪搶

撲守備王英之卡

臣

等當卽密爲查察昨又面

詢楊遇春據稱八仙河向未設有卡座是日因

恐賊匪撲營令守備王英帶領鄉勇二百名在

營前山邊拏卡一座以顧大營是夜大霧瀰漫

該逆果乘霧前來幸有卡座拒敵王英率同鄉
勇館箭齊發極力堵禦該逆係翻後山老林繞
向竹橋河東竄卡座未失臣等查是日拏卡本

爲楊遇春大營聲勢守備王英並未失卡亦無
離營不力該員由鄉勇軍功歷陞今職八九年
來管帶鄉勇甚爲出力又素爲鄉勇等悅服現
在前敵剿賊奮勉可否額懇

鴻施量予寬免之處出回

天恩奏入

上命軍機大臣傳諭德
楞泰賽沖阿曰連日盼望德
楞泰奏報甚爲殷切木日始據遞到乃閱摺內所
敍情形該匪等甫經官兵追逼又復翻山竄向界
嶺德楞泰等督兵躡剿總未得手並未接仗痛殲
祇於賊據之杉樹門對面山梁用礮轟斃數名又

趕至兩扇門老林邊追及賊尾殺賊十餘人而賊匪仍已遁進老林德楞泰等現在派令鎮將分投兒截至後幅鋪敘各路半獲零匪均經方維甸奏過之事德楞泰等不過據稟報敷衍陳奏而於搜剿緊要事宜一無籌辦似此每閱旬餘率以虛詞馳奏一次轉瞬天氣漸熱雨水時行又必致藉詞遲滯成何事體德楞泰從前帶兵殺賊尙屬奮

勉今以四五千名重兵剿此二百餘盜匪日久不能掃蕩所辦何事著傳旨申飭額勒登保前已據奏行抵興安暫駐籌防其意自以德楞泰等現在督兵截剿竣功在卽心存退讓朕現已諭令卽日馳往德楞泰等不可意存鬆懈竟思坐待額勒登保到彼辦理試思伊等督剿已閱半年之久若必俟額勒登保到後始能奏功因人成事又有何顏

此時賊匪竄聚界嶺之中德楞泰等四面抄截又似官兵業已合圍惟當鼓勵將士設法轟出上緊殲除務儘此四月中將該匪等剿辦淨盡切勿再任潰竄致稽時日兵多賊少總不能辦淨究屬何故若因循日久又需徵兵調將豈非前功盡棄乎至彼時汝等罪重矣稟之慎之守備王英係鄉勇軍功前經出力此次賊匪乘霧摸卡猶能率勇堵

禦賊遂翻後山老林繞竄尙無失卡離營情事著
免其治罪至德楞泰等果能出力剿捕剋期歲事
則不但宥其前愆尙當予以恩施若再有遲延卽
當將伊等嚴行懲處又不僅坐以疎防之咎矣禱
福惟汝等自取朕言不再再零匪樊國受等二十一
二犯並不早行投首直至窘迫乞命本無可貸前
經諭令俱不可赦若德楞泰等接奉前諭業經正

法則已若尙未辦淨卽姑照所擬從寬免其一死
發往伊犁給厄魯特兵丁爲奴仍當分起發遣一
面知會伊犁將軍俟該犯等到戍後飭令四散安
插勿使聚集一處如稍不安分卽行正法並咨照
沿途地方官該犯等途中或有滋事脫逃亦卽正
法不可稍事姑容

上又命軍機大臣傳諭額勒登保曰前據額勒登保

奏賊匪向南逃逸已入川境德楞泰等現在追蹤
恐其狡猾伎倆復思乘間北折請暫駐興安督辦
江防緊顧北面朕亦以所慮爲是如果德楞泰辦
理得手則額勒登保原可無庸再行前往乃本日
接德楞泰等三月二十五日所發之摺祇稱於杉
樹門地方在賊匪對面山上用礮位轟擊一次斃
賊數名又追及賊尾斬獲十數名並未大加廁洗

而賊匪仍鑽林越箐遁入望觀臺老林看此情形
是德楞泰辦理竟未得有把握此時已交夏令若
可涉延緩必又以天熱暑雨難於用兵爲詞賊匪
轉得喘息蔓延成何事體額勒登保接奉此旨竟
應前往督辦方合事機不必再有游移此時賊匪
由川境東走在川陝界嶺之中正可就近截剿且
據德楞泰摺內奏稱連朝大雨江水漸漲賊匪萬

難飛越額勒登保無庸專以江防爲慮在額勒登
保之意自因德楞泰接辦零匪已及半載此時事
居垂成不便前往爭功不知人臣當以國事爲重
一切私見皆當屏除如意存爭功固屬不可若徒
以相讓爲美不顧事機一任德楞泰剿賊稽延又
豈公忠體國之道設竟因此時賊匪難辦不免稍
存觀望之心尤屬非是諒額勒登保亦萬不肯出

此惟賊匪狡詐百端時時探聽官兵消息備知虛實額勒登保此時遵旨進發必需撥帶官兵前往不可稍有輕率著額勒登保察看何路官兵可以得力卽帶領隨營進剿其江岸防堵事宜卽責成留駐之總兵等安爲經理無許疎懈額勒登保到彼後務同德楞泰等督飭將弁兵丁奮勉剿辦儘此四月內將此二百有餘之零匪一律殄除淨盡

勿留餘孽方爲不負委任

十六日

甲戌

額勒登保德楞等賽沖阿奏言

臣

額

勒登保查匪蹤南竄之後距江岸已遠應卽趕

緊探剿前進隨飭總兵楊芳酌留官兵數百名

在於各渡口設卡查緝其餘官兵均令歸集交

該鎮帶領在太平壩太道河斑鳩關一帶漢江

南岸往來巡緝如遇殘匪折竄就近迎擊仍可

北顧江岸復飭沿江船隻不許停泊南岸隨帶
同總兵王兆夢副將唐文淑侍衛百順彥丕勒
等帶領官兵於二十六日起程由火石岩取道
磚坪向南進發途次據報連日殘匪又竄匿望
觀臺老林德楞泰派閻俊烈吳廷剛桂潤等帶
兵由小漆扒跟追賽沖阿楊遇春由深溝金竹
圓進剿總兵劉瑞出板棚子截剿田朝貴帶兵

出漁溪河進剿德楞泰馬瑜由支河金雞河進
剿或層層拏卡進逼或分兵覓路探搜各擒殺
賊匪一二名不等惟該匪竄伏林內狡惡異常
尚未得手并聞軍糧間有短缺等情臣已飭將
沿途滾運之糧星夜運往以資接濟初三日進
抵瀘河坪探悉德楞泰賽沖阿將營盤鍋帳馬
匹留駐相距百里之金竹園丁家坪一帶均已

親身挑帶兵勇入林督策各路進剿

臣

若再帶

兵前進既恐地方窄狹行走擁擠且慮糧運不

繼宜現駐之漳河坪係通南天門青草坪要路

又通西北一帶必應扼截當卽分撥官兵飭留

王兆夢帶領在該處暫紮以張聲勢

臣

酌帶侍

衛將領弁兵於初四日馳抵大木梁約德楞泰

由望觀臺老林趕來相晤

臣

額勒登保恭宣

諭旨德楞泰跪聆之下感激悚惶據德楞泰告知連
日與賽沖阿楊遇春馬瑜各帶官兵徒步入林
分投進擊該匪知有官兵分路入林又由紅岩
寨逃竄初一日德楞泰賽沖阿同楊遇春馬瑜
親率副將閻俊烈桂潤羅思舉等帶兵由三溪
口冒雨進搜行抵打鼓坪遇有賊匪數十人楊
遇春等當卽率兵攬殺斃賊十一名餘匪分逃

老林內藍翎五品軍功李含春額外陳文郁帶
兵入林分搜於狹溝深林內突遇伏賊猝中矛
傷陣亡兵勇亦傷亡數名初二日該匪竄至兩
扇門之西歡喜梁經田朝貴帶兵趕到迎頭截
擊當斃賊匪五名該匪不敢拒敵回奔上元嶺
大梁向東南逃竄初三日田朝貴帶兵勇由元
嶺跟追副將閻俊烈桂涌羅思舉等帶兵由旁

刺過形苦累間有動念思家經臣德楞泰諭以

大義勸勉鼓勵各兵丁仍照常出力嗣又加倍

懸立賞格臨陣擒殺真賊一名賞銀五十兩卽

給文凱撤回營歸伍審明被捕入夥者分別給

賞各兵丁鼓舞奮興昨又欽奉

諭旨擒殺積年賊目矛手者賞銀二三百兩至數十

兩等因通行傳知之後更爲加倍踴躍臣額勒

登保現又於接見兵勇之際詳加開導各兵勇等無不感激

皇仁奮勉用命至現在所存隨征鄉勇陝省通計尙有一千二百餘名川省亦不過三千名均經造有籍貫年貌冊籍各有將領備弁管帶現并傳令各勇如有擒殺真賊亦照兵丁給賞卽行遣回原籍安爲安置其全隊鄉勇俟卽日就事之

後照奏定章程酌量安插總期各有依歸不令
一夫失所刻下衆勇均屬安靜巴結統計以現

在兵力剿辦此二百餘亡命匪徒縛有餘裕

臣

額勒登保與臣德楞泰賽沖阿統率提鎮等總

當同心協力趕緊設法殄盡以期上紓

聖廑斷不敢稍昧天良稽延干咎奏入

上命軍機大臣傳諭額勒登保德楞泰賽沖阿曰額

勒登保查看安康一帶江水漲發賊匪不能偷渡
且匪蹤已經前竄距江岸亦遠卽趕緊探剿前進
所見甚是現在賊匪奔竄老少楊遇春等各路追
截殲擒計有十數名官兵仍分路躡追德楞泰鼓
勵士心加倍懸立賞格自必格外振興但刻下已
交夏令而此二百餘殘匪依險竄聚總未能掃除
淨盡實深焦慮而額勒登保等宣力多年此時尙

在多方籌辦不能回家安享富貴朕心寔深憐憫
亦不忍再行催促或致官兵轉有冒險輕進之事
特恐官員兵勇等未能盡悉此意額勒登保德楞
泰等當傳諭官兵以爾等從征數載備極辛勞均
蒙皇上洞鑒乃此起無多零匪偷竊稽誅迄今未
淨皇上因爾等久勞於外不忍降旨飭催特因賊
匪狡恃老林蹤跡無定轉瞬雨水載塗搜捕較爲

費手若一日不能蕪事爾等一日不能歸家聖心
殊爲憫念所以重懸賞格恩意有加爾等惟當同
心協力奮勉殺賊務將餘匪迅速殲除即可早日
還鄉骨肉團聚共享太平如此剴切示知官員兵
勇等共知感奮自能爭先効命迅掃餘氛也至軍
糧間有短缺額勦登保已飭將沿途滾運之糧趨
連接濟所辦亦即軍行糧食最關緊要此次短缺

是否係陝省糧員遲誤抑係川省未能接濟卽着
查明奏並行知該省督撫轉飭糧員嗣後務須
源源供運不可再有遲誤所有此次遇伏陣亡之
藍翎五品軍功李含春額外陳文郁均着咨部加
等賜卹

二十五日癸未額勒登保德楞泰賽沖阿奏言臣

等昨會合一路籌商趕辦臣額勒登保德楞泰

由漳河坪鳳河腦一帶顧定北面陝界接續

臣

賽沖阿楊遇春馬瑜帶領鎮將等跟蹤而進初

五日探悉該匪由石梅子河黃安霸朱槽河一

路老林奔逃雖已入川邊而正東翻越界嶺仍

可入陝必須防顧遂商令楊遇春帶領原兵取

道正陽河平溪河會同劉瑞堵截入陝之路

臣

賽沖阿同馬瑜督率鎮將等仍跟蹤追剿初六

日追至龍坪探悉該匪於廖葉溝乾溝巖一帶
林內散處避雨當卽冒雨衝入當斃賊匪三名
該匪見官兵分路進攻捨死竄上九層巖向偏
巖磴遁逸我兵覓路緊追又斃賊匪四名生擒
五名該匪竄入熟油溪老林雜時雨勢甚大山
坡溼滑異常勢難前進當令兵勇撤至林邊暫
紮查訊獲賊分別辦理次日卽擬入林搜逼詎

意大雨如注連日不止溪河處處漲發人馬不能淌渡賊匪並未遠颺我兵亦不能前進臣等

萬分焦急遂彼此熟商刻下殘匪無多我兵計有萬餘名若一路會同趕剿寃恐行走擁擠且將領等帶兵在前其中孰爲用命孰爲因循恐有混淆須責令分路趕辦庶人思自奮功過不辨自明當卽商令臣賽沖阿帶領總兵喜明劉

瑞副將閻俊烈遊擊李國棟璩嘉驥李勝林等
所帶官兵爲一路馬瑜帶領總兵田朝貴副將
桂涌叅將羅思舉遊擊徐陞都司高星文瞿心
能等所帶官兵爲一路楊遇春帶領副將吳廷
剛叅將祝廷標遊擊劉元明都司曹良臣朱承
受等所帶兵勇爲一路每路兵勇約有三千餘
名或躡尾緊迫或從旁抄截隨時相機辦理十

二日天色開霽水勢消退探悉該匪翻熟油溪
後山老林南向黃墩七里架水寨子竄走

臣

賽

冲阿已同馬瑜由紅巖寨取道分投緊追楊遇

春由平溪河老鴉鋪顧東抄進

臣等查賊竄路

逕東南可通湯桐二壩後坪西可通高觀寺采

子壩等處均係川境惟東可通大小漁河螞蝗

壩又係折陝要道必須分兵督策庶爲有濟隨

商定臣額勒登保督率侍衛百順彥不勒圖勒

畢善副將唐文淑叅將哈豐阿劉健標等帶領

官兵千餘名卽由九個包取道八仙河一帶緊

顧東北臣德楞泰督率叅領豁隆武副將馬元

叅將劉彪郭文魁遊擊劉廷斌等帶領官兵千

餘名卽由青草坪南天門取道南溪場緊顧西

南總視何路緊要卽就近移兵策應連日據各

路探差及坐卡兵丁陸續盤獲賊匪四名當卽正法並據四川臬司劉清副將羅聲舉稟報都司趙琴在漂江嘴盤獲零匪二名外委胡大任在金溪河拏獲零匪四名又寧夏鎮總兵汪啟稟報遊擊伊星阿在廟壩盤獲零匪一名守備杜天忠在哨鳳樓盤獲零匪一名千總孫光烈在海口壩盤獲零匪一名均係剿散零匪已飭

臣

令於審明後分別辦理再額勒登保昨經過水關城地方查有州留養傷病官兵二百餘名當卽親加點驗所有已經痊愈年力壯强者九十餘名當卽飭人隨同搜剿其實在傷病未痊年力就衰者共一百零五名當卽飭交患病都司吳登祿帶回營以節糜費又副將桂通所帶鄉勇二百六十一餘名先後來營懇求領賞

遣回臣等恐其中或有別情當卽傳集詢問僉

稱我們五六年跟隨桂渢打仗殺賊從不敢稍

有退縮近因數月以來日在老林追剿有臨陣

受傷者有得受疾病者每日扒山越嶺攀營設

卡實在苦累情願領賞聽候散遣歸農等語臣

等查該勇均籍隸川東川北臣德楞泰現由南

天門一帶進發卽將此項鄉勇帶至川境南溪

場酌給賞銀派員分起護送交臬司劉清查明
原籍妥爲安置再查鄉勇一項較之兵丁得項
短少其隨同剿捕初無二致臣等目擊兵勇等

冒涉險艱鞋腳一切每月需費亦正不少茲酌
定每鄉勇一名每月加給鹽菜銀六錢七分共
足二兩之數令伊等稍形寬裕庶可安心剿賊
統計川陝隨征鄉勇不及四千餘名一律加增

尙不致多糜餉項俟趕緊辦竣卽概行凱撤以
歸節省

同日方維甸奏言竊照零匪竄化龍山後連日
復據探報賊匪因官兵分投進逼向南逃竄德
楞泰賽冲阿楊遇春馬瑜等帶兵緊追沿途俱
各有斬獲賊匪現在界嶺老林內輾轉竄匿已
至石梅子場一帶有入川之勢額勒登保帶兵

與德楞泰等會合所有軍營糧餉已運過漢中
長安等處倉米一萬石知府龍萬育稟報採買
米四千石共計米一萬四千石漢南各處存糧
仍不在內一切米價運腳及各兵餉按數支發
計三月內共發過興安銀十九萬兩四月內又
發過興安銀九萬兩計算節次撥運米數銀數
似皆不致缺乏而昨接額勒登保德楞泰等來

信沿途滾運之糧尙未能按時趕上臣萬分焦

灼又嚴飭知府龍萬育多僵尙夫設法分運並

另發銀二萬兩令漢中府知府趙洵於郡城迤

南附近川界村寨收買米石源源撥運若再有

缺短定行叅

奏至山內零星匪徒經

臣督飭派員嚴搜茲續據

漢陰通判雒昂等稟報候補八九品伍敏盤獲

匪徒四名候補縣丞虞書寶等拏獲賊匪二名
軍功羅有貴拏獲匪徒一名把總吳可義拏獲
賊匪一名縣丞呂大名等續獲賊匪一名又泰
州知州王賜均拏獲零匪二名又總兵汪啟移
咨拏獲零匪二名外委蘇大成搜獲零匪二名
守備杜天忠拏獲賊匪二名外委王天舉拏獲
匪徒二名千總孫光烈盤獲零匪二名俱解交

臬司朱勲審擬辦理又署留壩同知張琛等拏獲匪徒六名署鎮安縣葉騰蛟拏獲匪徒四名從九品陸銓拏獲匪徒一名現均提省辦理又興安府知府龍萬育盤獲賊匪一名並前次安康縣拏獲賊探一名均經額勒登保提訊正法以上共計續獲零賊匪徒三十二名仍飭各該員弁到處嚴搜以清山境均奏入

上命軍機大臣傳諭額勒登保德楞泰賽冲阿曰川
陝邊界零匪上年原交德楞泰辦理因德楞泰接
辦之後自冬而春由春又夏經半年之久遷延不
能蒇事是以仍簡派額勒登保前往以爲額勒登
保到彼之後自必一鼓集事迅速辦完肅清喜報
不日可至乃額勒登保自本月十六日奏到與德
楞泰會商剿辦之後迄今又及一旬本日奏到情

形仍未得手以一萬有餘之兵勇剿此二百餘名
之零匪殲斃僅十餘人幸未續增逆匪若再有脅
從又如何辦理竟無歲事之日矣且言該匪竄入
老林之後因雨水阻滯我兵不能前進竟任其盤
踞林內毫無辦法試思官兵既不能淌渡何以賊
匪又能冒雨奔逃不爲雨阻卽摺內所云分兵五
路以三路之兵往前追剿以兩路之兵在後策應

者亦不過敷衍空言而摺後轉以鄉勇等涉厯險
阻鞋脚不敷請加給鹽菜銀兩鄉勇隨同剿賊如
果殺賊奮勉朕亦不惜重賞卽如前此降旨令額
勒登保等懸立賞格數目甚優何獨於此項加給
鹽菜銀數錢不加寬給但此數月以來該勇等觀
望遷延所謂出力者安在豈該勇等以官軍剿辦
零匪惟仗伊等出力此時零匪未淨竟欲借此居

奇若不多給賞銀遂不盡心辦賊是直以零匪未
完爲伊等挾制之計試思此二百零匪之內卽有
叛去鄉勇何以鄉勇一經爲匪卽奔竄自如而隨
征之鄉勇率皆畏避艱險謂非安心袖手而何若
果如此又豈可受伊等挾制若云該勇等桀驁不
馴恐其去而從賊曲爲此安頓之法則將來此二
百餘名零匪剿淨之後此等鄉勇又將如何安頓

耶此時刺捕零匪原不專恃鄉勇如鄉勇內有實在不願隨征者原可先爲散遣本日額定登保等招內所稱桂湧一路鄉勇二百六十餘名先後來營懇求遣回此項鄉勇應卽酌量賞銀令其歸里並著額勒登保等查明此外如尚有不願隨征者亦一體賞給銀兩遣回知照沿途及本籍地方官留心管束分別安插使之得所其實在情願隨征

者并當諭以爾等剿賊辛苦此時事屆垂成尤當
加倍奮勉如果打仗立功皇上自不惜重賞卽加
倍施恩亦無不可但無功濫賞則斷乎不能如此
明白曉諭該勇等自必共知鼓勵至鄉勇口糧從
前比兵丁得項較多是以不願入伍此時額勒登
保等摺內何以云較之兵丁得項短少前後所奏
亦屬不符並著查明具奏所有此次額勒登保等

奏請加給鄉勇口糧已交軍機處存記俟奏報勝
仗到日再行降旨額勒登保等所帶兵勇共有萬
餘約計百倍於賊一任賊匪奔竄邊界毫無設法
似此日復一日賊匪一日不完則大軍一日不撤
老師糜餉何所底止此卽國帑充裕亦不值如此
耗費况目下帑項情形迥非昔比額勒登保等寧
不知之伊等身受重恩竟安心延緩一任國帑虛

耗視同膜外耶如陝省現在年歲平常米價昂貴
該撫等籌辦軍糈向隣省輾轉設法方能供運額
勒登保等寧不念及軍儲轉運之艱忍令官兵坐
食乎本日方維甸摺內尙奏稱搜獲零匪三十餘
人而伊等統領重兵斬捕轉屬寥寥亦內愧於心
否額勒登保德楞泰賽冲阿均著傳旨申飭伊等
惟當激發天良速圖成事卽賊情狡猾亦當設法

安籌不得僅以尾追爲事若有難辦之處亦不妨
據實奏聞候朕指示

上又命軍機大臣傳諭方維甸曰山內零星匪徒經
該撫督飭員弁分路搜捕現又續獲零匪計共三
十一名仍飭該員弁到處嚴搜所辦尙好惟額勒
登保現與德楞泰等會合帶兵進剿賊匪輾轉南
竄有入川之勢本日伊等奏到剿辦情形僅據斬

獲賊匪十餘名仍未能痛加殲戮尅期竣事軍營
兵勇共有一萬數千餘名以之剿此窮蹙二百餘
名零匪何至老師糜餉日久不能得手現已降旨
嚴行飭催究竟賊匪有何難辦之處伊等是否別
有隱情或係鄉勇等恐散遣後無由獲利留此殘
匪希圖多領銀糧不肯認真出力方雜旬在陝聞
見自確著密行查詢迅速據實具奏毋稍徇隱

二十六日 甲申 吳熊光奏言

臣

前聞陝省賊匪向

南奔竄恐復東折當卽知會提臣慶成督率鎮
將小心防堵去後又據總兵慶溥拏獲賊探金

海周稟解到

臣

訊據供稱係從前齊王氏股內

矛手前年隨羅高到陝西南山藏匿現係羅高
派令該犯到楚省招峯崖探聽官兵營卡想要
衝過等語復據副將蔣觀濤探報城匪現由橫

山子竄至猪槽河黃墩一帶川陝官兵俱躡蹤
追剿捉臣慶成乘赴招峯崖督防等語

臣

查黃

墩距楚省招峯崖一帶不遠是金海周所供欲
由招峯崖衝過之語似屬確鑿可信該處本有
慶溥帶兵防堵現在慶成又往督防該匪如果
竄近即可與追兵兩路夾擊現將羅高各犯年
貌再向金海周覆訊明確密飭各營卡留心緝

拏卽將該犯正法奏入

上命軍機大臣傳諭吳熊光曰川陝邊界零匪由橫
山子竄至猪槽河黃墩一帶官兵俱躡蹤追剿本
與楚省招峯巖等處相距較近昨據額勒登保等
奏賊匪經官兵逼剿連夜翻山竄向石梅子河有
入川之勢似距楚界又已稍遠但該匪等往來奔
竄總在老林一帶安知被剿緊急不復思乘間折

回吳熊光應會同提督慶成嚴飭各鎮將晝夜加
意嚴防毋任餘匪一名闖入楚境雖久無賊蹤宜
兵仍未便遽行裁撤惟鄉勇內如有老病無能及
不願留營効力者趁此大兵未撤之時不妨酌給
路費陸續遣令回籍飭令地方官安置務期散遣
後不致失業流而爲匪其防守各路弁兵仍應俟
川陝軍務全竣後再行裁撤再該省軍需善後等

事支用尙多著將南北省捐監銀兩各湊足十萬
兩撥存司庫備用